

唐  
音  
統  
籤

丁籤九十圓元稹之二十

唐音統籤卷

四十七  
十三

七言律詩二

相憶淚

此後通  
州詩

西江流水到江州聞道分成九道流我滴兩行相  
憶淚君從何處遣人求除非入海無由住縱使逢  
灘未擬休會向伍員潮上見氣充頑石報心雠

三兄以白角巾寄遺髮不勝冠因有感歎

病瘴年深渾禿盡那能勝置角頭巾暗梳蓬髮羞  
臨鏡私戴蓮花恥見人白髮過於冠色白銀釵少  
校領中銀我身四十猶如此何況吾兄六十身

和樂天過祕閣書省舊廳

聞君西省重徘徊祕閣書房次第開  
壁記欲題三漏合吏人驚問十年來  
經排蠹簡憐初校芸長陳根識舊裁  
司馬見詩心最苦滿身蚊蚋哭烟埃

和樂天贈楊祕書

舊與楊郎在帝城搜天幹地覓詩情  
曾因並句甘稱小不爲論年便喚兄  
刮骨直穿由苦鬪夢腸翻出暫閒行  
因君投贈還相和老去那能競底名

酬樂天春寄微之

鷗心明黠雀幽蒙何事相將盡入籠  
君避海鯨驚

浪裏我隨巴嶢瘴烟中千山塞路音書絕兩地知  
春曆日同一樹梅花數升酒醉尋江岸哭東風

酬樂天見寄

三千里外巴蛇穴四十年來司馬官瘴色滿身治  
不盡瘡痕刮骨洗應難常甘人向衰容薄獨訝君  
將舊眼看前日詩中高蓋字

白詩云舉目爭能不  
惆悵高車大馬滿長

安

至今唇舌遍長安

酬樂天得獮所寄紵絲布白輕裕製成衣服  
以詩報之

湓城萬里隔巴庸紵薄綿輕共一封腰帶定知今

瘦小衣衫難作遠裁縫  
唯愁書到炎涼變  
忽見詩來意緒濃  
春草綠茸雲色白  
想君騎馬好儀容

和樂天尋郭道士不遇

道士昔常爲僧於荊州相別

昔年我見杯中渡  
今日人言鶴上逢  
兩虎定隨千

歲鹿雙林添作幾株松  
方瞳應是新燒藥  
短脚知

緣舊施春

爲僧時先有脚疾

欲請僧繇遠相畫  
苦愁頻變

本形容

酬樂天得微之詩知通州事因成四首

茅簷屋舍竹籬州  
虎怕偏蹄虵兩頭

通州元和二年偏蹄虎害

人比之白額兩頭虵處處皆有之也

暗蠱有時迷酒影  
浮塵向日似

波流沙含水弩多傷骨田仰畬刀少用牛知得共  
君相見否近來魂夢轉悠悠

平地才應一頃餘閣欄都大似巢居

巴人多在山坡架木爲居

自號閣欄頭也

入衙官吏聲疑鳥下峽舟船腹似魚市井

無錢論尺丈田疇付火罷耘鋤此中愁殺須甘分

惟惜平生舊著書

本句云努力安心過三考已曾愁殺李尚書又于病甚將平生

所爲文自題云異日送白二十二郎也

哭鳥晝飛人少見佺魂夜嘯虎行多滿身沙虱無

防處獨脚山魃不奈何甘受鬼神侵骨髓常憂岐

路起風波南歌未有東西分敢唱淪浪一字歌本

唐音統籤

卷四十七十三

三

丁

云時時三唱濯纓歌

荒蕪滿院不能鋤既有塵埃圃乏蔬定覺身將囚  
一種未知生共死何如飢搖困尾喪家狗熱暴枯  
鱗失水魚苦境萬般君莫問自憐方寸本來虛

酬樂天聞李尚書拜相以詩見賀

初因彈劾死東川又爲親情弄化權

予爲監察御史劾奏故東

川節度使嚴礪籍沒衣冠等八十餘家由是操權

者大怒分司東臺日又劾奏宰相親因緣遂貶江

陵士百口共經三峽水一時重上兩漫天尚書入

用雖旬月司馬銜冤已十年若待更遭秋瘴後便  
愁平地有重泉

酬樂天歎窮愁見寄

病煎愁緒轉紛紛  
百里何由說向君  
老去心情隨日減  
遠來書信隔年聞  
三冬有電連春雨  
九月無霜盡火雲  
併與巴南終歲熱  
四時誰道各平分

酬樂天歎損傷見寄

前途何在轉茫茫  
漸老那能不自傷  
病爲怕風多睡月  
起因行藥暫扶牀  
雨關氣索迷真侶  
峽水波翻礙故鄉  
唯有秋來兩行淚  
對君新贈遠詩章

內狀詩寄楊白二員外

時知制誥

天門暗闕玉瑤鉤  
畫送中樞曉禁清  
彤管內人書



細膩金奩御印篆分明衝街不避將軍令跋敕兼  
題宰相名南省郎官誰待詔與君將向世間行

贈別楊員外巨源

憶昔西河縣下時青山顚顚宦名卑揄揚陶令緣  
求酒結託蕭娘只在詩朱紫衣裳浮世重蒼黃歲  
序長年悲白頭後會知何日一盞煩君不用辭

寄樂天二首

榮辱升沈影與身世情誰是舊雷陳唯應鮑叔猶  
憐我自保曾參不殺人山入白樓沙苑暮潮生滄  
海野塘春老逢佳景唯惆悵兩地各傷何限神

論才賦命不相干，鳳有文章雉有冠。  
羸骨欲銷猶被刻，瘡痕未沒又遭彈。  
劒頭已折藏須蓋，丁字雖剛屈莫難。  
休學州前羅刹石，一生身敵海波瀾。

和王侍郎酬廣宣上人觀放榜後相賀

渥洼徒自有權奇，伯樂書名世始知。  
競走牆前希得儁，高縣日下表無私。  
都中紙貴流傳後，海外金填姓字時。  
珍重劉繇因首薦，進士字景述以爲君同劉繇及第

送和碧雲詩

酬樂天喜鄰郡

此後並越州酬和並各次用本韻

蹇驢瘦馬塵中伴，紫綬朱衣夢裏身。  
符竹偶因成

對岸文章虛被配爲鄰湖翻白浪常看雪火照紅  
妝不待春老大那能更爭競任君投募醉鄉人

再酬復言和前篇

經過二郡逢賢牧聚集諸郎宴老身清夜漫勞紅  
燭會白頭非是翠蛾鄰曾攜酒伴無端宿白入朝  
行便別春潦倒微之從不占未知公議道何人

以庾宅夸於樂天

州城迴遶拂雲堆鏡水稽山滿眼來四面常時對  
屏障一家終日在樓臺星河似向簷前落鼓角驚  
從地底迴我是玉皇香校吏謫居猶得住蓬萊

重夸州宅旦暮景色兼酬前篇末句

仙都難畫亦難書暫合登臨不合居繞郭烟嵐新  
雨後滿山樓閣上燈初人聲曉動千門闕湖色宵  
涵萬象虛爲問西州西剎岸濤頭衝突近何如

酬樂天吟張員外詩見寄因思上京每與樂  
天於居敬兄升平里詠張新詩

樂天書內重封到居敬堂前共讀時四友一爲泉  
陸客三人兩詠浙江詩別無遠近皆難見老減心  
情自各知杯酒與他年少隔不相酬贈欲何之

寄樂天

閒夜思君坐到明追尋往事倍傷情同登科後心  
相合初得官時髭未生二十年來諳世路三千里  
外老江城猶應更有前途在知向人間何處行

戲贈樂天復言

此後三篇同韻

樂事難逢歲易徂白頭光景莫令孤弄濤船更曾  
觀否望市樓望市樓蘇之勝地也還有會無眼力少將尋索  
曠心情且強擲梟盧孫園虎寺隨宜看不必遙遙  
羨鏡湖

### 重酬樂天

紅塵擾擾日西徂我興雲心兩共孤暫出已遭千

騎擁故交求見一人無百篇書判從饒白八采詩  
章未伏盧最笑近來黃叔度自投名刺占陂湖

再酬復言

繞郭笙歌夜景徂稽山迴帶月輪孤休文欲詠心  
應破道子雖來畫得無顧我小才同培塿知君險  
鬪敵都盧不然豈有姑蘇郡擬着陂塘比鏡湖

郡務稍簡因得整比舊詩并連綴焚削封章  
繁委篋笥僅逾百軸偶成自歎因寄樂天

近來章奏小年詩一種成空盡可悲書得眼昏朱  
似碧用來心破髮如絲催身易老緣多事報主深

恩在幾時天遣兩家無嗣子欲將文集與他誰

寄樂天

莫嗟虛老海濤西天下風光數會稽靈汜橋前百  
里鏡石帆山嶼五雲溪冰銷固地蘆雖短春入枝  
條柳眼低安得故人生羽翼飛來相伴醉如泥

和樂天早春見寄

雨香雲澹覺微和誰送春聲入棹歌萱近北堂穿  
上早柳偏東面受風多湖添水刺消殘雪江送潮  
頭湧漫波同受新年不同賞無由縮地欲如何  
餘杭周從事以十章見寄詞調清婉難於遍

酬聊和詩首篇以答來貺

擾擾紛紛旦暮間經營閒事不曾閒多緣老病推  
辭酒少有功夫久羨山清夜笙歌喧四郭黃昏鐘  
漏下重關何由得似周從事醉入人家醒始還

初除浙東妻有阻色因以四韻曉之

嫁時五月歸巴地今日雙旌上越州興慶首行千

命婦

予在中書日妻以郡君朝  
太后於興慶宮俄爲東首

會稽旁帶六諸侯

海樓翡翠閒相逐鏡水鴛鴦暖共游我有主恩羞  
未報君於此外更何求

酬張秘書謝裴相公賜馬詩

補



丞相功高厭武名，牽將戰馬寄儒生。  
四蹄筍距藏雖盡，六尺鬚頭見尚驚。  
減粟偷兒憎未飽，騎驢詩客罵先行。  
勸君還却司空著，莫遣衙參傍子城。

追昔遊

以下傷悼

謝傅堂前音樂和，狗兒吹笛膽娘歌。  
花園欲盛千場飲，水閣初成百度過。  
醉摘櫻桃投小玉，嬾梳叢鬢舞曹婆。  
再來門館唯相弔，風落秋池紅葉多。

僧如展及韋載同遊碧澗寺，各賦予落句云：  
他生莫忘靈山座，滿壁人名後復稀。  
展共吟他生之句，因話釋氏緣會，所以莫不悽然久。

丁籤九十四元稹之

二十

唐音統籤卷

四百七十四

七言排律

哀病驄呈致用

櫪上病驄啼裊裊江邊廢宅路迢迢自經梅雨長  
垂耳乍食菰蔣欲折腰金絡頭銜光未減玉花衫  
色瘦來焦曾聽禁漏驚衙鼓慣蹋康衢怕小橋半  
夜雄嘶心不死日高飢餓尾還搖龍媒薄地天池  
遠何事牽牛在碧霄

送嶺南崔侍御

我是北人長北望每嗟南鴈更南飛君今又作嶺

南別南鴈北歸君未歸洞主參承驚豸角島夷安

集慕霜威黃家賊

黃少卿

用鑢刀利白水郎行旱地

稀蜃吐朝光樓隱隱鼇吹細浪雨霏霏毒龍蛻骨

轟雷鼓野象埋牙斲石磯火布垢塵須火浣木綿

溫軟當

去聲

綿衣枕柳麵礮檳榔澁海氣常昏海日

微蛟老變爲妖婦女舶來多賣假珠璣此中無限

相憂事請爲殷勤事事依

### 遭風二十韻

洞庭瀾漫接天迴一點君山似措杯暝色已籠秋  
竹樹夕陽猶帶舊樓臺湘南賈伴乘風信夏口篙

工厄沂泗後侶逢灘方拽筵前宗到浦已眠桅俄  
驚四面雲屏合坐見千峰雪浪堆罔象睢盱頻逞  
怪石尤翻動忽成災騰凌豈但河宮溢塊軋渾憂  
地軸摧疑是陰兵致昏黑果聞靈鼓借喧庭龍蹄  
窟穴深潭漩蜃作波濤古岸隤木客暗游燒野火  
楓人夜長吼春雷浸淫沙市兒童亂汨沒汀洲鴈  
驚哀自歎生涯看轉燭更悲商旅哭沈財橘島斟  
斟折頭倉掉水狗斜傾尾纜開在昔詎懸橫海志  
此時甘乏濟川才歷陽舊事曾爲鼉鼉穴相傳有  
化能開目唯愁滿空電冥心真類不然灰那知否

極休徵至漸覺宵分曙氣催怪族潛收湖黯湛幽  
妖盡走日崔嵬紫衣將校臨船問白馬君侯傍柳  
來喚上驛亭還酩酊兩行紅袖拂樽鼻

酬樂天整比舊詩餘思不盡加爲六韻之作

越州作

律呂同聲我爾身文章君是一伶倫衆推賈誼爲  
才子帝喜相如作侍臣

樂天先有秦中吟及百節判皆爲書肆市賈題其卷

云白才子文章又樂天知制誥詞次韻千言曾報

云覽其詞賦喜與相如並處一時次韻千言曾報

樂天曾寄千言律詩數首予皆直詞三道共

次用本韻酬和後來遂以成風耳

後輩好偶作予詩傳流諸處自到會稽已有人寫宮

元詩駁雜真難辨

詞百篇及雜詩兩卷皆云是予所撰及手勘驗無一篇是者白樸流傳用轉新

樂天於翰林中書取書詔批答詞等誤為程式禁中號曰白樸每有新入學士求訪寶重過於六典

蔡女圖書雖在口蔡琰口誦家書四百餘篇于公門戶豈生

塵樂天常贈予詩云其心如肺石動必達窮民東

有此句商瞿未老猶希冀莫把籬金便付人

酬樂天雪中見寄

知君夜聽風蕭索曉望林亭雪半糊撼落不教封

柳眼掃來偏盡附梅株敲扶密竹枝猶亞照暖寒

禽氣漸蘇坐覺湖聲迷遠浪國驚雲路在常途錢

塘湖上蘋先合梳洗樓前粉暗鋪石立玉童披鶴

璧臺施瑤席換龍鬚滿宮飛舞應爲瑞寡和高歌  
只自娛莫遣擁簾傷思婦且將盈尺慰農夫稱觴  
彼此情何異對景東西事有殊鏡水遶山山盡白  
琉璃雲母世間無

酬復言長慶四年元日郡齋感懷見寄

李諒  
字復

言

臘盡殘銷春又歸逢新別故欲沾衣自驚身上添  
年紀休繫心中小是非富貴祝來何所遂聰明鞭  
得轉無機祝富貴鞭聰明皆  
正旦童稚俗法羞看稚子先拈酒帳  
望平生舊採薇去日漸加餘日少賀人雖鬧故人

稀椒花麗句開重檢艾髮衰容惜寸輝苦思正旦  
酬白雪閒觀風色動青旂千官仗下爐烟裏東海  
西頭意獨違

和樂天重題別東樓

山容水態使君知樓上從容萬狀移日烘文章霞  
細麗風驅鱗甲浪參差鼓催潮戶凌晨擊鼓賽  
宮儀夜吹喚客潛揮遠紅袖賣壚高掛小青旗  
錦牀席春眠處高捲簾帷月上時光景無因將得  
去爲郎抄在和郎詩

五言絕句



牡丹二首

此後並是校書郎已前作

簇藥風頻壞裁紅雨更新眼看吹落地便別一年

春

繁綠陰全合衰紅展漸難風光一擡舉猶得暫時看

象人

被色空成象觀空色異真自悲人是假那復假爲人

歲日

元和  
中作

一日今年始一年前事空淒涼百年事應與一年

同

贈熊士登

平生本多思  
況復老逢春  
今日梅花下  
他鄉值故人

夏陽亭臨望寄河陽侍御堯

望遠音書絕  
臨川意緒長  
殷勤眼前水  
千里到河陽

日高睡

闕

失題

隔是身如夢頻來不爲名憐君近南住時得到山  
行

輞川

世界爲身累閒忙不自由殷勤輞川水何事出山  
流

天壇歸

爲結區中累因辭洞裏花還來舊城郭烟火萬人  
家

雨後

倦寢數殘更孤燈暗又明竹梢餘雨重時復拂簾驚

晴日

多病苦虛羸晴明強展眉讀書心緒少閒臥口長時

直臺

廢入神羊隊鳥驚海鷺眠仍教百餘日迎送直廳前

行宮

一作王建

寥落古行宮宮花寂寞紅白頭宮女在閒坐說玄

宗

醉行

秋風方索漠霜貌足睽攜今日騎驄馬街中醉蹋泥

指巡胡

遣悶多憑酒公心只仰胡挺身唯直指無意獨欺愚

飲新酒

聞君新酒熟況值菊花秋莫怪平生志圖銷盡日愁

香毬

順俗唯團轉居中莫動搖愛君心不側猶訝火長燒

嘉陵水

爾是無心水東流有恨無我心無說處也共爾何殊

漫天嶺贈僧

五上兩漫天因師幟業緣漫天無盡日浮世有窮年

百牢關

天上無窮路生期七十間那其九年內五度百牢  
關

二月十九日酬王十八全素

用本韻

君念世上川嗟予老瘴天那堪十日內又長白頭  
年

西還

悠悠洛陽夢鬱鬱灞陵樹落日正西歸逢君又東  
去

感事三首

學士時作

爲國謀羊舌從來不爲身此心長自保終不學張

陳

自笑心何劣區區辨所冤伯仁雖到死終不向人

言

富貴年皆長風塵舊轉稀白頭方見絕遙爲一霑

衣

題翰林東閣前小松

簷礙脩鱗亞霜侵簇翠黃唯餘入琴韻終待舜絃

張

逢白公

補

遠路事無限相逢惟一言月色照榮辱長安千萬



門

與樂天同葬杓直

以下悼亡

元伯來相葬山濤誓撫孤不知他日事兼得似君無

合衣寢

良父背燈坐方成合衣寢酒醉夜未闌幾回顛倒枕

竹簾

竹簾觀重茵未忍都令卷憶昨初來日看君自施展

旅眠

內外都無隔帷幘不復張  
夜眠兼客坐同在火爐  
牀

丁籤九十四元稹之

二十

唐音統籤卷

四百七十五

七言絕句一

和裴校書鷺鷥飛

鷺鷥鷺鷥何遽飛  
鴉鷺雀噪難久依  
清江見底華堂在  
一點白光終不歸

夜池

荷葉團圓莖削削  
綠萍面上紅衣落  
滿池明月思

啼螿高屋無人風張

主聲幕

杏園

此後並校書郎已前詩

浩浩長安車馬塵  
狂風吹送每年春  
門前本是虛

空界何事栽花誤世人

菊花

秋叢遶舍似陶家遍遶籬邊日漸斜不是花中偏  
愛菊此花開盡更無花

尋西明寺僧不在

春來日日到西林飛錫經行不可尋蓮池舊是無  
波水莫逐狂風起浪心

與吳侍御春遊

蒼龍闕下陪驄馬紫閣峰頭見白雲滿眼流光隨  
日度今朝花落更紛紛

晚春

晝靜簷疎燕語頻  
雙雙鬪雀動階塵  
柴扉日暮隨風掩  
落盡閒花不見人

先醉

今日樽前敗飲名  
三杯未盡不能傾  
怪來花下長先醉  
半是春風蕩酒情

獨醉

一樹芳菲也當

去聲

春漫隨車馬擁行塵  
桃花解笑

馬能語自醉自眠那藉人

宿醉

唐音統籤

卷四百七十五

二

丁

風引春心不自由等閒衝席飲多籌朝來始向花  
前覺度却醒時一夜愁

懼醉

答盧子蒙

聞道秋來怯夜寒不辭泥水爲盃盤殷勤懼醉有  
深意愁到醒時燈火闌

羨醉

綺陌高樓競醉眠共期顚顚不相憐也應自有尋  
春日虛度而今正少年

憶醉

自歎旅人行意速每嫌杯酒緩歸期今朝偏偶醉

時別淚落風前憶醉時

病醉

戲作吳吟贈盧十九經濟  
張三十四弘辛文丘度

醉伴見儂因酒病道儂無酒不相窺那知下藥還  
沾底人去人來剩一卮

擬醉

與盧子蒙飲於竇晦之醉後賦詩共十  
九首子蒙敘爲別卷自此至在醉皆是

各所賦

九月閒宵初向火一樽清酒始行盃憐君城外遙  
相憶冒雨衝泥黑地來

勸醉

賢家能釀銷愁酒但是愁人便與銷顧我共君俱

寂寞只應連夜復連朝

任醉

本怕酒醒渾不飲因君相勸覺情來殷勤滿酌從  
聽醉乍可欲醒還一盃

同醉

呂子元度及之杜歸  
和同隱客泛韋氏池

柏樹臺中推事人杏花壇上鍊形真心源一種閒  
如水同醉櫻桃林下春

狂醉

一自柏臺爲御史二年辜負兩京春峴亭今日顛  
狂醉舞引紅娘亂打人



伴僧行

春來求事百無成  
因向愁中識道情  
花滿杏園千萬樹  
幾人能伴老僧行

古寺

古寺春餘日半斜  
竹風蕭爽勝人家  
花時不到有花院  
意在尋僧不在花

定僧

落魄閒行不着家  
遍尋春寺賞年華  
野僧偶向花前定  
滿樹狂風滿樹花

觀心處

滿坐喧喧笑語頻獨憐方丈了無塵  
燈前便是觀心處要似觀心有幾人

智度師二首

四十年前馬上飛功名藏盡擁禪衣  
石榴園內生處獨自閒行獨自歸

三陷思明三突圍鐵衣拋盡納禪衣  
天津橋上無人識閒凭闌干望落暉

西明寺牡丹

花向琉璃地上生風光炫轉紫雲英  
自從天女盤中見直至今朝眼更明

憶楊十二巨源

去時芍藥纔堪贈看却殘花已度春只爲情深偏  
愴別等閒相見莫相親

送復夢赴韋令幕

世上如今重檢身吾徒耽酒作狂人西曹舊事多  
持法慎莫吐他丞相茵

送劉太白

太白署  
從善坊

洛陽大底居人少從善坊西最寂寥想得劉君獨  
騎馬占堤愁樹隔中橋

奉誠園

馬司徒  
舊宅

蕭相深誠奉至尊舊居求作奉誠園秋來古巷無人掃樹滿空牆閉戟門

與太白同之東洛至櫟陽太白染疾駐行予  
九月二十五日至華嶽寺雪後望山

共作洛陽千里伴老劉因疾駐行軒今朝獨自山  
前立雪滿三峰倚寺門

野狐泉柳林

去日野狐泉上柳紫芽初綻拂眉低秋來寥落驚  
風雨葉滿空林蹋作泥

酬胡三憑人問牡丹

窺見胡三問牡丹爲言依舊滿西欄花時何處偏  
相憶寥落衰紅雨後看

酬樂天秋興見贈本句云莫怪獨吟秋興苦  
比君校近二毛年

勸君休作悲秋賦白髮如星也任垂畢竟百年同  
是夢長年何異少何爲

雪後宿同軌店上法護寺鐘樓望月

滿山殘雪滿山風野寺無門院院空烟火漸稀孤  
店靜月明深夜古樓中

陪韋尚書丈歸履信宅因贈韋氏兄弟

紫垣駟騎入華居公子文衣護錦輿眠閣書生復  
何事也騎羸馬從尚書

永貞二年正月二日上御丹鳳樓赦天下予  
與李公垂庾順之間行曲江不及盛觀

春來饒夢慵朝起不看千官擁御樓却着閒行是  
忙事數人同傍曲江頭

韋居守晚歲常言退休之志因署其居曰大  
隱洞命予賦詩因贈絕句

謝公潛有東山意已向朱門啓洞門大隱猶疑戀  
朝市不如名作罷歸園

贈李十二牡丹花片因以餞行

鴛鴦餘聲絮墮風牡丹花盡葉成叢可憐顏色經  
年別收取朱欄一片紅

題李十一修竹里居壁

雲闕朝迴塵騎合杏花春盡曲江閒憐君雖在城  
中住不隔人家便是山

靖安窮居

幽靜不由居遠近大都車馬就權門野人住處無  
名利草滿空階樹滿園

贈樂天

等閒相見銷長日也有閒時更學琴不是眼前無  
外物不關心事不經心

使東川

并序此後  
並御史時詩

元和四年三月七日予以監察御史使東川往  
來鞍馬間賦詩凡三十二章秘書省校書郎白  
行簡爲子手寫爲東川卷今所錄者但七言絕  
句長句耳起驛口驛盡望驛臺二十二首云

驛口驛二首

東壁上有李二十員外逢吉  
崔二十二侍御韶使雲南題

各處北壁有翰林白二十二居易題擁  
石關云開雪紅樹等篇有王質夫和焉  
王不知是何人也

郵亭壁上數行字崔李題名王白詩盡日無人共  
閒語不離牆下至行時



二星徼外通蠻服五夜燈前草御文我到東川恰  
相半向南看月北看雲

清明日

行至漢上憶與樂天知退  
杓直拒非順之輩同遊

常年寒食好風輕觸處相隨取次行今日清明漢  
江上一身騎馬縣官迎

亞枝紅

往歲與樂天曾於郭家亭子竹林  
中見亞枝紅桃花半在池水自後

數年不復記得忽於襄城驛池岸  
竹間見之宛如舊物深所當然

平陽池上亞枝紅悵挈山郵是事同還向萬竿深  
竹裏一枝渾臥碧流中

梁州夢

是夜宿漢川驛夢與杓直樂天同  
遊曲江兼入慈恩寺諸院倏然而

瘡則通來及階郵吏已傳乎報曉矣

夢君同遶曲江頭也向慈恩院遊亭吏呼人排

去馬忽驚身在古梁州

紀事云樂天別稹後旬日聞遊曲江及慈恩寺飲酣

憶稹作詩有計程今日到梁州之句後得稹書果以是日至褒寄此詩千里魂交若合符契有感夢記述

江上行

以上三篇墮七言律詩內

悶見漢江流不息悠悠漫漫竟何成江流不語意

相問何事遠來江上行

漢江笛

二月十五日夜於西縣白馬驛南樓聞笛悵然憶得小年曾與從兄

長楚寫漢江聞笛賦而有愴耳

小年爲寫游梁賦最說漢江聞笛愁今夜聽時在何處月明西縣驛南樓

郵亭月

於驛口驛見崔二十二題各處數夜後於青山驛翫月憶得崔生好

持確論每於宵話之中嘗曰人生晝務夜安步月間行吾不與也言訖堅臥他人雖千有其詞難動搖矣至是愴然思此題固有獻

君多務實我多情大抵偏嗔步月明今夜山郵與蠻嶂君應堅臥我還行

嘉陵驛二首篇末有懷

嘉陵驛上空牀客一夜嘉陵江水聲仍對牆南滿  
山樹野花撩亂月朧明

牆外花枝壓短牆月明還照半張牀無人會得此  
時意一夜獨眠西畔廊

百牢關

奉使推小吏仵敬仲

嘉陵江上萬重山何事臨江一破顏自笑只緣在  
敬仲等閒身度百牢關

江花落

日暮嘉陵江水東梨花萬片逐江風江花何處最

腸斷半落江流半在空

嘉陵江二首

秦人惟識秦中水長想吳江與蜀江今日嘉川驛  
樓下可憐如練遶明窻

千里嘉陵江水聲何年重遶此江行只應添得清  
宵夢時見滿江流月明

西縣驛

去時樓上清明夜月照樓前撩亂花今日成陰復  
成子可憐春盡未還家

望喜驛

滿眼文書堆案邊  
眼昏偷得暫時眠  
子規驚覺燈  
又滅一道月光橫枕前

### 好時節

身騎驄馬峨眉下  
面帶霜威卓氏前  
虛度東川好  
時節酒樓元被蜀兒眠

### 夜深行

夜深猶自遶江行  
震地江聲似鼓聲  
漸見戍樓疑  
近驛百牢關吏火前迎

### 望驛臺

三月盡

可憐三月三旬足  
悵望江邊望驛臺  
料得孟光今

日語不曾春盡不歸來

封書

鶴臺南望白雲關  
城市猶存暫一還  
書出步虛三百韻  
藥珠文字在人間

仁風李著作作園醉後寄李十

朧明春月照花枝  
花下音聲是管兒  
却笑西京李員外  
五更騎馬趁朝時

燈影

洛陽晝夜無車馬  
漫掛紅紗滿樹頭  
見說平時燈影裏  
玄宗潛伴太真游

書樂天紙

金鑾殿裏書殘紙乞與荊州元判司不忍拈將等閒用半封京信半題詩

酬孝甫見贈十首各酬本意次用舊韻

宋玉秋來續楚詞陰鏗官漫足閒詩親情書札相安慰多道蕭何作判司

杜甫天材頗絕倫每尋詩卷似情親憐渠直道當時語不着心源傍古人

十歲荒狂任博徒按莎五木擲梟盧野詩良輔偏憐假長借金鞍迂酒胡



曾經綽立侍丹墀綻藥宮花拂面枝雉尾扇開朝  
日出柘黃衫對碧霄垂

一自低心翰墨場箭戟拋盡負書囊近來兼愛休  
撒藥柏葉紗羅羅豆黃

莫笑風塵滿病顏此生元在有無間卷舒蓮葉終  
難濕去住雲心一種閒

無事拋碁侵虎口幾時開眼復聯行音抗終須殺盡

緣邊敵四面通同掩太荒

原憲甘貧每自開子春傷足少人哀巷南唯存陳

居士時學文殊一問來

是上紅銀  
每識閒人如未識與君相識便相憐經旬不解來  
過宿忍見空牀夜夜眠

開拆新詩展大繆

音求與  
球同

明珠炫轉玉音浮酬君

十首三更坐減却常時半夜愁

### 和樂天招錢蔚章看山絕句

碧落招邀閒曠望黃金城外玉方壺人間還有大  
江海萬里爛波天上無

### 折枝花贈行

櫻桃花下送君時一寸春心逐折枝別後相思最  
多處千株萬片遶林

寄劉頗二首

平生嗜酒顛狂甚不許諸公占丈夫唯愛劉君一  
片膽近來還敢似人無

前年碣石煙塵起共看官軍過洛城無限公卿因  
戰得與君依舊綠衫行

晨起送使病不行因過王十一館居二首

自笑今朝誤夙興逢他御史瘡相仍過君未起房  
門掩深映寒窻一盞燈

密雨深房小火爐飯香魚熟近中廚野人愛靜仍  
耽寢自問黃昏肖去無

送孫勝

桐花暗淡柳惺惚池帶輕波柳帶風今日與君臨  
水別可憐春盡宋亭中

遠望

滿眼傷心冬景和一山紅樹寺邊多仲宣無限思  
鄉淚漳水東流碧玉波

陪張湖南宴望岳樓積爲監察御史張中丞  
知雜事

觀象樓前奉末班絳峰只似殿庭間今日高樓重  
陪宴雨籠衡岳是南山

岳陽樓

岳陽樓上日銜窗影倒深潭赤玉幢悵望殘春萬  
般意滿櫺湖水入西江

寄庾敬休

小來同在曲江頭不省春時不共遊今日江風好  
暄暖可憐春盡古湘州

花栽二首

買得山花一兩栽離鄉別土易摧隤欲知北客居  
南意看取南花北地來

南花北地種應難王向船中盡日看縱使將來眼

前死猶勝拋擲在空欄

宿石磯

石磯江水夜潺湲  
半夜江風引杜鵑  
燈暗酒醒顛倒枕  
五更殘月入空船

送杜元穎

江上五年同送客  
與君長羨北歸人  
今朝又送君先去  
千里洛陽城裏塵

一籤九十四元稹之三

唐音統籤卷

四百七十六

七言絕句二

桐孫詩

并序 此後元和十年詔召入京及通判司馬以後詩

元和五年予貶掾江陵三月二十四日宿曾峰館山月曉時見桐花滿地因有人韻寄白翰林詩當時草蹙未暇紀題及今六年詔許再歸去時桐樹上孫枝已拱矣予亦自髮兩莖而蒼然斑鬢感念前事因題舊詩仍賦桐孫詩一絕又不知幾何年復來商山道中元和十年正月題

去日桐花半桐葉別來桐樹老桐孫城中過盡無

窮事白髮滿頭歸故園

西歸絕句十二首

雙堠頻頻減去程漸知身得近京城春來愛有歸

鄉夢一半猶疑夢裏行

五年江上損容顏今日春風到武關雨紙京書臨

水讀得復言小桃花樹滿商山

同歸諫院韋丞相韋丞相貫之共貶河南亞大夫裴中丞度

今日還鄉獨憔悴幾人憐見白髭鬚

只去長安六日期多應及得杏花時春明門外誰

相待不夢閒人夢酒卮

白頭歸舍意如何賀處無窮事亦多左降去時裴

相宅裴相公增舊來車馬幾人過

還鄉何用淚沾襟一半雲霄一半沈世事漸多饒



依望舊曾行處便傷心

閒遊寺觀從容到遍問親知次第尋腸斷裴家光  
德宅無人掃地戟門深

一世營營死是休生前無事定無由不知山下東  
流水何事長須日夜流

今朝西渡丹河水心寄丹河無限愁若到莊前竹  
園下殷勤爲遶故山流

丹浦莊  
之陳流

寒牕風雪擁深牕彼此相傷指白鬚一夜思量十

年事幾人強健幾人無

補實十二  
舊田宅

雲覆藍橋雪滿溪須臾便與碧峰齊風回麴市連

天合凍壓花枝着水低  
寒花帶雪滿山腰着柳冰珠滿碧條天色漸明回  
一望玉塵隨馬度藍橋

小碎詩篇

小碎詩篇取次書等閒題柱意何如諸郎到處應  
相問留取三行代鯉魚

和樂天高相宅

莫愁已去無窮事漫苦如今有限身二百年來城  
裏宅一家知換幾多人

和樂天仇家酒

病嗟酒戶年年減老覺塵機漸漸深  
飲罷醒餘更惆悵不如閒事不經心

和樂天贈雲寂僧

欲離煩惱三千界不在禪門八萬條  
心火自生還自滅雲師無路與君銷

澧西別樂天

今朝相送自同遊酒語詩情替別愁  
忽到澧西總回去一身騎馬向通州

寄雲寂寂三上人

長學對治思苦處偏將死苦教人間  
今因爲說無

生死無可對治心更閒

題漫天嶺智藏師蘭若僧云住此二十八年  
僧臨大道閒浮生來往憧憧利與名二十八年何  
限客不曾閒見一人行

蒼溪縣寄楊州兄弟

蒼溪縣下嘉陵水入峽穿江到海流憑着鯉魚將  
遠信鴈回時節到揚州

長灘夢李紳

孤吟獨寢意千般合眼逢君一夜歡慚愧夢魂無  
遠近不辭風雨到長灘

見樂天詩

通州到日日平西  
江館無人虎印泥  
忽向破簷殘溜處  
見君詩在柱心題

聞樂天授江州司馬

白樂天云此詩他人尚不可聞況僕哉

殘燈無焰影幢幢  
此夕聞君謫九江  
垂死病中驚坐起  
暗風吹雨入寒牕

歲日贈拒非

思君曲水曉身老  
我望通州感道窮  
同入新年兩行淚  
白頭翁坐說城中

雨聲

風吹竹葉休還動雨點荷心暗復鳴曾向西江船上宿慣聞寒夜滴篷聲

奉和榮陽公離筵作

南郡生徒辭絳帳東山妓樂擁油旌鈞天排比簫韶待猶顧人間有別情

嘉陵水

此後並通州詩

古時應是山頭水自古流來江路深若使江流會人意也應知我遠來心

閬州開元寺壁題樂天詩

憶君無計寫君詩寫盡千行說向誰題在閬州

寺壁幾時知是見君時

憑李忠州寄書樂天

萬里寄書將上峽却憑冰峽寄江州傷心最是江  
頭月莫把書將上庾樓

得樂天書

遠信入門先有淚淒驚女哭問何如尋常不省曾  
如此應是江州司馬書

寄樂天

無身尚擬魂相就身在那無夢往還直到他身亦  
相覓不能空記樹中環

酬知退

終須修到無修處聞盡聲聞始不聞莫着妄心銷  
彼我我心無我亦無君

通州

平生欲得山中住天與通州遠郡關睡到日西無  
一事月儲三萬買教閒

喜李十一景信到

何事相逢翻有淚念君緣我到通州留君剩住君  
須住我不自由君自由

與李十一夜飲



寒夜燈前賴酒壺與君相對興猶孤  
忠州刺史應閒臥江水猿聲睡得無

贈劉夢得

文苑補

劉郎不用閒惆悵且作花間共醉人  
算得貞元舊朝士幾員同見太和春

贈李十一

淮水連年起戰塵  
油旌三換一何頻  
共君前後俱從事  
羞見功名與別人

寒食日

今年寒食好風流  
此日一家同出游  
碧水青山無

限思莫將心道是涪州

別李十一五絕

巴南分與親情別不料與君牀並頭爲我遠來休  
悵望折君災難是通州

京城每與閑人別猶自傷心與白頭今日別君心  
更苦別君緣是在通州

萬里尚能來遠道一程那忍便分頭烏籠猿檻君  
應會十步向前非我州

來時見我江南岸今日送君江上頭別後料添新

夢寐虎驚蛇伏

一作亂

是通州

聞君欲去潛銷骨一夜暗添新白頭明朝別後應  
腸斷獨棹破船歸到州

酬樂天醉別

前回一去五年別此別又知何日同  
奸佞樂天休悵望匹如元不到京來

酬樂天雨後見憶

雨滑危梁性命愁差池一步一生休  
黃泉便是通州郡漸入深泥漸到州

和樂天題王家亭子

風吹箏箏飄紅砌雨打桐花蓋綠莎  
都大資人無

唐音續錄  
暇日泛池全少買池多

酬樂天頻夢微之

山水萬重書斷絕念君憐我夢相聞我今因病魂顛倒唯夢閒人不夢君

琵琶

學語胡兒撼玉玲甘州破裏最星星使君自恨常多事不得功夫夜夜聽

春詞

山翠湖光似欲流蜂聲鳥思却堪愁西施顏色今何在但看春風百草頭

酬樂天舟泊夜讀微之詩

知君暗泊西江岸讀我閒詩欲到明今夜通州還  
不睡滿山風雨杜鵑聲

酬樂天武關南見微之題山石榴花詩

比因酬贈爲花時不爲君行不復知又更幾年還  
共到滿牆塵土兩篇詩

酬樂天寄生衣

秋茅處處流殘瘥夜鳥聲聲哭瘴雲羸骨不勝纖  
細物欲將文服却還君

酬樂天三月三日見寄

常年此日花前醉今日花前病裏銷  
獨倚破簾閒  
悵望可憐虛度好春朝

瘴塞

瘴塞巴山哭鳥悲紅妝少婦斂啼眉  
殷勤奉藥來  
相勸云是前年欲病時

紅荆

庭中栽得紅荆樹十月花開不待春  
直到孩提盡  
驚怪一家同是北來人

黃草峽聽柔之琴二首

胡笳夜奏塞聲寒是我鄉音聽漸難  
料得小來幸

苦學又應知向峽中彈

別鶴淒清覺露寒離聲漸咽命雛難憐君伴我涪  
州宿猶有心情徹夜彈

書劒

渝工劒刃皆歐冶巴吏書蹤盡子雲唯我心知有  
來處泊船黃草夜思君

丁籤九十四元稹之

二十四

唐音統籤卷

四百七十七

七言絕句三

別毅郎

此後工部侍郎時詩據宋本注疑有誤

爾爺只爲一杯酒此別那知死與生兒有何辜才  
七歲亦教兒作瘴江行

愛惜爾爺唯有我我今領領室中人傷心自比籠  
中鶴翦盡翅翎愁到身

自責

犀帶金魚束紫袍不能將命報分毫他時得見牛  
常侍爲爾君前捧佩刀



送公度之福建

此後並同州  
刺史時作

棠陰猶在建溪磯此去那論是與非若見白頭須  
盡敬恐曾江岸識胡威

喜五兄自泗州至

眼中三十年來淚一望南雲一度垂慚愧臨淮李  
常侍遠教形影暫相隨

杏花

常年出入右銀臺每怪春光例早回慚愧杏園行  
在景同州園裏也先開

第三歲日許春風憑楊員外寄長安柳

楊用  
修云

正月初三日也

三日春風已有情  
拂人頭面稍憐輕  
殷勤爲報長安柳  
莫惜枝條動軟聲

聽妻彈別鶴操

別鶴聲聲怨夜絃  
聞君此奏欲潸然  
商瞿五十知無子  
便付琴書與仲宣

贈樂天

此後並越州酬和詩並次本韻

莫言鄰境易經過  
彼此分符欲奈何  
垂老相逢漸難別  
白頭期限各無多

重贈商玲瓏兼寄樂天

陸說云商玲瓏爲杭州歌者樂天作郡日

賦歌與之元微之在起厚幣邀至月餘  
使盡歌所唱之曲作詩送行兼寄樂天

休遣玲瓏唱我詩我詩多是別君詞明朝又向江  
頭別月落潮平是去時

別後西陵晚眺

晚日未拋詩筆硯夕陽空望郡樓臺與君後會知  
何日不似朝頭暮却迴

酬樂天重寄別

却報君侯聽苦辭老頭拋我欲何之武牢關外雖  
分手不似如今衰白時

寄浙西李大夫四首

柳眼梅心漸欲春  
白頭西望憶何人  
金陵太守曾相伴  
共蹋銀臺一路塵

藥珠深處少人知  
綢索西臨太液池  
浴殿曉聞天

語後步廊騎馬笑相隨

綢索在太液上學士候對散於此

禁林同直話交情  
無夜無曾不到鳴  
最憶西樓人

靜後玉晨鐘磬兩三聲

王宸觀在紫宸殿後面也

由來鵬化便圖南  
浙右雖雄我未甘  
早渡西江好

歸去莫拋舟楫滯春潭

爲樂天自勘詩集因思頃年城南醉歸馬上

遍唱豔曲十餘里不絕長慶初俱以制誥侍

宿南郊齋宮夜後偶吟數十篇兩掖諸公洎  
翰林學士三十餘人驚起就聽逮至卒吏莫  
不衆觀羣公直至侍從行禮之時不復聚寐  
予與樂天吟哦竟亦不絕因書於樂天卷後  
越中冬夜風雨不覺將曉諸門互啓關鎖卽  
事成篇

春野醉吟十里程齋宮潛詠萬人驚今宵不寐到  
明讀風雨曉聞開鎖聲

題長慶四年曆日尾

殘曆半張餘十四灰心雪鬢兩悽然定知新歲御

樓後從此不名長慶年

白述

補紀事云穆以明經制策入仕其一篇自述云云是時貴族並應制科用為

男子榮進然此詩自見王建宮詞內紀事不知何據

延英引對碧衣郎江硯宣毫各別牀天子下簾親

考試官人手裏過茶湯

江硯一作紅硯姚寬以為此青州紅硯也非是

修龜山魚池示眾僧

補會稽志

勸爾諸僧好護持不須垂釣引青絲雲山莫厭看

經坐便是浮生得道時

過東都別樂天二首

補樂天在洛太和中債厚左丞辭越過洛以

詩別樂天云云未幾死於鄂樂天哭之曰始以詩交終以詩訣絃筆相談其

手

君應怪我留連久我欲與君辭別難白頭徒侶漸  
稀少明日恐君無此歡

自識君來三度別這回白盡老髭鬚戀君不去君  
須會知得後迴相見無

和嚴給事聞唐昌觀玉蕊花下有遊仙補事

弄玉潛過玉樹時不教青鳥出花枝的應未有謠  
人覺只是嚴郎卜得知

醉醒

以下悼亡

積善坊中前度飲謝家諸婢笑扶行今宵還似常

時醉半夜覺來聞哭聲

感夢

行吟坐歎知何極影絕魂銷動隔年今夜商山館  
中夢分明同在後堂前

六年春遣懷八首

傷禽我是籠中鶴沉劒君爲泉下龍重續猶存孤  
枕在春衫無復舊裁縫

檢得舊書三四紙高低開狹粗成行自言併食錄  
高事唯念山深驛路長

公無渡河

樂府題

音響絕已隔前春復去秋今日閒



意拂塵土殘絃猶迸細篴篥

婢僕矚君餘服用嬌癡稚女遶牀行玉梳鈿朶香  
膠解盡日風吹瑤琯箏

伴客銷愁長日飲偶然乘興便醺醺怪來醒後傍  
人泣醉裏時時錯問君

我隨楚澤波中水君作咸陽泉下泥百事無心值  
寒食身將稚女懷前啼

童稚癡狂撩亂走繡裘花仗滿堂前病身一到總  
帷下還向臨階背日眠

小於潘岳頭先白學取莊周淚莫多止竟悲君須

自省川流前後各風波

答友封見贈

荀令香銷潘簾空悼亡詩滿舊屏風  
扶牀小女君  
元識應爲些些似外翁

夢成之

燭暗船風獨夢驚  
夢君頻問向南行  
覺來不語到  
明坐一夜洞庭湖水聲

哭小女降真

雨點輕瀝風復驚  
偶來何事去何情  
浮生未到無  
生地瞽到人間又一生

哭女樊

秋天淨綠月分明何事巴猿不賸

音孕贈也

鳴應是一

聲腸斷去不容啼到第三聲

哭子十首

翰林學士時作

維鵜受刺因吾過得馬生災念爾冤獨在中庭倚  
閒樹亂蟬嘶噪欲黃昏

纔能辨別東西位未解分明管帶身自食自眠猶  
未得九重泉路託何人

爾母溺情連夜哭我身因事有時悲鐘聲欲絕東  
方動便是尋常上學時

蓮花上品生真界兜率天中離世途彼此業緣多  
障礙不知還得見兒無

節量梨栗愁生疾教示詩書望早成鞭朴校多憐  
校少又緣遺恨哭三聲

深嗟爾更無兄弟自歎予應絕子孫寂寞講堂基  
址在何人車馬入高門

往年鬢已同潘岳垂老年教作鄧攸煩惱數中除  
一事自茲無復子孫憂

長年苦境知何限豈得因兒獨喪明消遣又來緣  
爾母夜深和淚有經聲

烏生八子今無七猿叫三聲月正孤寂寞空堂天  
欲曙拂簾雙燕引新雛

頻頻子落長江水夜夜巢邊舊處棲若是愁腸終  
不斷一年添得一聲啼

妻滿月日相唁

浙東

十月辛勤一月悲今朝相見淚淋漓狂花落盡莫  
惆悵猶勝因花壓折枝

寒食日毛空路示姪晦及從簡

我昔孩提從我兄我今衰白爾初成分明記取原  
頭路百世長須此路行

別孫村老人

寒食日

年年漸覺老人稀  
欲別孫翁淚滿衣  
未死不知何處去  
此身終向此原歸

和樂天劉家花

閒坊靜曲同消日  
淚草傷花不爲春  
遍問舊交零落盡  
十人纔有兩三人

褒城驛二首

客州詩句在褒城  
幾度經過眼暫明  
今日重看滿衫淚  
可憐名字已前生

憶昔萬株梨映竹  
遇逢黃令醉殘春  
梨枯竹盡黃

令死今日再來衰病身

和樂天夢亡友劉太白同遊二首

君詩昨日到通州萬里知君一夢劉閒坐思量小  
來事祇應元是夢中遊

老來東郡復西州行處生塵爲喪劉縱使劉君魂  
魄在也應至死不同遊